

Ki te ahua i whakapaua e ia ona whakaaro me tona kaba ki runga ki nga mea a te Atua : a ahakoa tokomaha nga tangata ki te whakaha ki ana tikanga, ki ana korero ranei, kaore ona wehi ki te tangata, i kitea hoki te hopohopo o nga tangata ki te whakarongo ki ana kupu i te wa e ora ana ia. I tona tai-tamarikitanga tae mai ki tona pakeketanga, e ai ki tana, i hohonu tona haere ki roto ki nga mahi a te ao, a te kikokiko, a te rewera, ara ki te kai-waipiro, ki nga mahi Maori, me era tu mahi kino katoa. Mai ano ia o tona whakamaukanga ki te whakapono pu ki a Ihu Karaiti hei Kai-whakaora mona, kua kore rawa ona hiahia ki te kai-waipiro, a kua tu ko ia hei tino hoa pakanga ki nga mahi Maori katoa. Ite mea ka u ia ki roto ki a Te Karaiti ka kore rawa ona wehi ki nga tohunga Maori ki nga atua Maori ki nga tapu Maori. I te habunga o tetahi rangatira nui o te Rarawa he uaua te kitea o tetahi tangata e maia ana ki te tango i te tupapaku me nga taonga i roto i te rua, he wehi pea kei poke. Katahi ka ki a Hone Mare, mam e mahi tana mahi. I whakahaere te mahi a te iwi i runga i nga tikanga katoa onamata o te Maori mo te hahu tupapaku. I whakaritea etahi tangata hei awhina i a Hone, menga wahine hei tiaki i a ratou, hei taka kai ma ratou, hei whangai hoki ki te kai i nga ra e toru. Ko aua tikanga Maori i takahia rawatia e Hone i runga i te ngakau marama, i te ngakau whakapono, hei whakaatu mana ki te iwi katoa kore rawa he mana o te mahi Maori ki runga ki te tangata e whakapono pu ana ki a Ihu Karaiti, kore rawa hoki he mana o te tapu Maori ki runga i te tangata e haere ana i runga i te tapu o Ihowa. Kahore ona wehi ki te tohunga Maori ki nga atua Maori ranei.

I tetahi wa i rongo ia ki tetahi wahine e karanga ake ana, e aue ana, a tona omanga atu ki te awhina ka kitea te tohunga o tera kainga e haere ana ki te whare o te wahine ra, kia huna e ia ki reira tetahi kohatu tapu—he atua kikokiko pea—hei patu mana i tana whanau. Te omanga atu o Hone ka kitea te tohunga, tangohia ana te kohatu ra i roto i tona ringa, a nga, whiua atu ana ki te koraha, panaia atu ana te tohunga. Ko wai ranei te tangata o enei whakatipuranga e maia ki te pera? E rua nga kainga tupu o Hone Mare, ko Pukepoto, ko Papatupia, a i te tuunga o nga Mihana ki aua takiwa i te tau 1919 i tae a-tinana ia ki aua Mihana e rua. He nui hoki te koa o tona ngakau ki nga kauwhau, i tona kiteanga hoki i te ngakau nui o te iwi ki te whakarongo ki nga kupu tohutohu, kupu whakaha hoki, mo nga mahi Maori. I kite ano ia i te tau 1920, a ne mai tona hiahia kia tona ano